

Rhaglen Staff Nyrsio Cymru Gyfan

Diweddariad Ffrwd Waith Nyrsys
Ardal - Medi 2022



Cyflwyniad

Mae Ffrwd Waith Nyrsio Ardal Cymru Gyfan yn cynnwys uwch gynrychiolwyr o fyrddau iechyd ledled Cymru sy'n gweithio tuag at ddatblygu a phrofi adnodd cynllunio'r gweithlu sy'n seiliedig ar dystiolaeth i bennu lefelau priodol o staff nyrsio o fewn gwasanaethau nyrsio ardal (DN) yng Nghymru.

Ein cylch gwaith:

- Creu a datblygu cyfres gadarn o offer cynllunio'r gweithlu cenedlaethol i helpu i gynllunio'r gweithlu a chynorthwyo byrddau iechyd gyda dulliau, offer, a chamau gweithredu i bennu lefelau staff nyrsio o fewn gwasanaethau nyrsio ardal.
- Sicrhau dull 'Unwaith i Gymru' er mwyn sicrhau cysondeb a safoni cenedlaethol.
- Cefnogi'r defnydd o'r fethodoleg drionglog i gyfrifo lefelau staff nyrsio.
- Cefnogi Byrddau Iechyd ac yn parhau i fod yn wybodus ac yn gyfarwydd, gyda'u cynnydd o Egwyddorion Staffio Nyrsys Ardal Dros Dro
- Helpu i hwyluso'r gwaith o weithredu'r offer cynllunio'r gweithlu o fewn lleoliadau cymunedol mewn byrddau iechyd yng Nghymru.
- Datblygu ffordd o ddangos sut y defnyddir barn broffesiynol i ddiffinio lefelau staff nyrsio ardal a chymysgedd sgiliau sy'n galluogi timau nyrsio ardal i ddiwallu anghenion cleifion yn sensitif.
- Cyflawni'r camau gweithredu a nodir yng nghynllun y gweithgorau yn unol â'r amserlenni, gan amlygu risgiau a heriau i'r gwaith.

- Darparu adroddiadau rheolaidd ar gynnydd y ffrwd waith yn erbyn y cynllun ffrwd gwaith i'r Grŵp Staff Nyrsio Cymru Gyfan, Cyfarwyddwyr Nyrsio a'r Prif Swyddog Nyrsio.

Cynnydd hyd yma

Lefelau Gofal Cymru

Gyda chefnogaeth cannoedd o nyrsys ardal o bob rhan o Gymru, mae drafft gweithio (Fersiwn 6) o'r adnodd Lefelau Gofal Cymru Nyrsio Ardal (WLoC) wedi cael ei ddatblygu.

Mae profion trylwyr o'r adnodd wedi digwydd gyda nyrsys ardal o bob bwrdd iechyd ar bob cam o'r 3 cyfnod profi.

Cynlluniau Peilot WLoC:

- Profion Cam 1, Gorffennaf 2022 – 87 nyrsys ardal yn defnyddio'r adnodd i briodoli lefel aciwtedd i 1433 o gleifion yr ymwelwyd â nhw dros 3 diwrnod. Roedd 86% o'r cyfranogwyr yn meddwl bod yr adnodd yn hawdd neu'n hawdd iawn i'w ddefnyddio
- Profion Cam 2, Rhagfyr 2021 – anfonwyd astudiaethau achos o bob lefel o ofal i nyrsys ardal. Gofynnwyd iddynt neilltuo lefel o ofal. Dangosodd y canlyniadau lefel dda o gysondeb a chytundeb pob lefel a briodolir i gleifion.
- Cam 3 – Ebrill 2022 – sefydlwyd gweithdai bach i ganolbwyntio ar y Themâu Nyrsio yn y ddogfen WLoC ac i adolygu'r adnodd ar gyfer anghysondebau. Mae'r ddogfen wedi'i diwygio a'i diweddarau yn unol â barn gonsensws aelodau'r gweithdy a'r grŵp ffrwd gwaith. Bu gostyngiad mewn themâu nyrsio o 7 i 5, gan wneud y ddogfen yn fwy cryno a defnyddiol. Mae Lefelau Gofal Cymru Nyrsio Ardal (V6) wedi'i gymeradwyo gan Grŵp Staffio Nyrsio Cymru Gyfan fel drafft gweithio ac mae wedi'i ddosbarthu i bob bwrdd iechyd i'w ddefnyddio.
- Y pum thema nyrsio yw:
 - Arsylwi, asesu a risg
 - Cefnogaeth Gymdeithasol a'r amgylchedd
 - Gofal personol, maeth a hydradu
 - Gwybyddiaeth, cyfathrebu ac ymddygiad
 - Diwedd oes

Ym mhob cam o'r profion mae nyrsys ardal wedi ymgymryd â hyfforddiant ynghylch yr adnodd WLoC, a chynhaliwyd sesiynau Hyfforddi'r Hyfforddwr ar ddefnyddio'r offeryn WLoC gan dros 150 o nyrsys ardal a fydd yn rhaeadru hyfforddiant i aelodau'r tîm Nyrsio Ardal rhwng Mehefin a Medi 2022.

Dangosyddion Ansawdd

- Briwiau pwyso gradd 3 ac uwch, y gellir eu hosgoi a'r rhai sydd â lefelau staff nyrsio wedi'u priodoli i'r achos
- Dogfennaeth gofal clwyfau
- Dogfennaeth gofal ymataliaeth
- Llwybrau Diwedd Oes

Mae'r dangosyddion ansawdd uchod, sy'n sensitif i wasanaethau nyrsio ardal wedi'u harchwilio. Roedd y cyntaf trwy adolygiad ôl-weithredol chwe mis o datix a ddangosodd amrywiaeth yn nifer y digwyddiadau hyn ar draws y gwahanol fyrddau iechyd a dim ond ychydig iawn (5%) a oedd yn gysylltiedig â lefelau staff nyrsio. Cynhaliwyd archwiliad 'sbot' undydd ym mis Mehefin 2022 gyda'r holl nyrsys ardal/cymuned yn llenwi holiadur Microsoft teams ynghylch gydymffurfiaeth ansawdd â dogfennaeth genedlaethol bresennol a chyflawn ar gyfer gofal clwyfau, ymataliaeth a diwedd oes.

Barn Broffesiynol

Mae holiadur byr gydag arweiniad, wedi'i lunio i arweinwyr timau nyrsio ardal ei gwblhau ar ddiwedd pob sifft am gyfnod o bythefnos. Ei nod yw darganfod barn y nyrs ar y lefelau staff nyrsio o fewn eu timau, a beth fyddai, os rhywbeth, wedi'i wneud yn wahanol petai angen mwy o staff. Bwriedir hefyd darganfod a gafodd gofal ei fethu neu ei aildrefnu oherwydd lefelau staffio.

Camau nesaf

- Nyrsys Ardal ledled Cymru i ddefnyddio'r adnodd WLoC (drafft gweithio) a chasglu data aciwtedd cleifion byw yn system Unwaith i Gymru.
- WLoC i gael ei ail-werthuso ar ôl 3 mis o ddefnydd er cysondeb a dilysrwydd.
- Data WLoC i gael eu hasesu a'u dadansoddi ar ôl 3 mis o gasglu data i sicrhau dilysrwydd a chysondeb.
- Data archwilio dangosyddion ansawdd i'w dadansoddi a bwydo'r canfyddiadau yn ôl i fyrddau iechyd.
- Dangosyddion ansawdd i'w hailbrofi ar ôl i staff gweithredol gael gwybod am y canfyddiadau.
- Llyfr gwaith Barn Broffesiynol i'w gwblhau gan Dimau Nyrsys Ardal a dadansoddi'r data.

I gyrchu gylchlythyrau blaenorol a darganfod mwy am y Raglen Staff Nyrsio Cymru Gyfan a'r gwaith a wneir gan y ffrwd waith [**ewch i'r wefan**](#).

Cysylltiadau Allweddol

Is-gadeirydd

Sandra Jones. Dirprwy Bennaeth Nyrsio, Cymuned. Bwrdd Iechyd Prifysgol Betsi Cadwaladr

Arweinydd Llif Gwaith

Ceri Griffiths. Pennaeth Nyrsio Cymunedol, Bwrdd Iechyd Prifysgol Hywel Dda.

Arweinydd y Prosiect

Jody Hill4@wales.nhs.uk